

Stichting Meilan
IKC de Arke
O.f. 
Postbus 195
8532 BX LEMMER

Ljouwert, 13 augustus 2021
Ferstjoerd, **13 AUG. 2021**

Ús merkteken : 01888452
Ôfd/Opjefte : Subsydzjes
Opsteld troch : Subsydzjes - FK / (058) 292 59 25 of subsidies@fryslan.frl
Jo merkteken :
Taheakke(n) :

Ûnderwerp : Fêststellingsbeslút oangeande jo oanfraach foar subsydzje foar oanskaf fan materiaal foar it ûnderwiis yn de Fryske taal, yn groepsferbân dielnimmen oan aktiviteiten mei eachmerk kultueredukaasje en it oanpassen fan it taalbeliedsplan. Subsydzjeregeling Frysk foar no en letter.

Achte ,

Op 17 maaie 2021, lêste oanfolling op 13 july 2021, hawwe wy jo subsydzje-oanfraach yn it ramt fan de Subsydzjeregeling Frysk foar no en letter (hjernei: de regeling) ûntfongen. Jo freegje in subsydzje oan foar oanskaf fan ûnderwiismateriaal yn de Fryske taal, yn groepsferbân dielnimmen oan aktiviteiten mei eachmerk kultueredukaasje en it oanpassen fan it taalbeliedsplan (hjernei: jo projekt). Jo oanfraach is by ús ûnder saaknûmer PF-2021/223881 registrearre. Yn dit brief stiet ús beslút en lizze wy út wêrom't wy dat beslút nommen hawwe.

Wat is ús beslút?

Wy hawwe besletten jo in subsydzje fan € 1.630,- te jaan.
Wy stelle it subsydzje hjirby daliks op dat bedrach fêst.

Motivearring

Jo projekt oangeande de oanskaf fan materiaal foar it ûnderwiis yn de Fryske taal en it yn groepsferbân dielnimmen oan aktiviteiten mei eachmerk kultueredukaasje past yn de doelstellings fan paragraaf 2.1. fan de regeling. It oanpassen fan it taalbeliedsplan mei de ymplementaasje fan de Fryske taal dêryn past yn de doelstellings fan paragraaf 2.2 fan de regeling. Jo projekt foldocht oan de kritearia fan de regeling.

It giet om in subsydzje foar ien kear, dêr't yn it gefal fan takomstige oanskaf fan Frysktalige materiaal gjin rjochten oan ûntliend wurde kinne.

Wêr is it subsydzje foar bedoeld?

Wy jouwe it subsydzje op grûn fan jo folsleine oanfraach. Yn de ûndersteande tabel stiet hoefolle subsydzje jo krije.

	Omskriuwing fan de subsidiearre aktiviteiten op grûn fan paragraaf 2.1	Totale kosten út begrutting	Subsidiabele kosten	Fêststeld subsydzje-bedrach
1	Oanskaf fan materiaal foar it ûnderwiis yn de Fryske taal (kêst 2.1.2 b) 80%	€ 1.100,00	€ 1.100,00	€ 880,00
2	Yn groepsferbân dielnimmen oan aktiviteiten mei eachmerk kultueredukaasje (kêst 2.1.2 c) Maximale bedrach fan € 500,-	€ 2.111,50	€ 2.111,50	€ 500,00
	Totaal	€ 3.211,50	€ 3.211,50	€ 1.380,00

Dêrnjonken krije jo subsydzje foar de neikommende prestaasje út paragraaf 2.2

Omskriuwing fan de subsidiearre prestaasje op grûn fan paragraaf 2.2	Tal subsidiabele ienheden	Bedrach de subsidiabele ienheid	Totaal
Ymplemintaasje Frysk yn it taalbeliedsplan (kêst 2.2.2 b)	1	€ 250,-	€ 250,-
Totaal			€ 250,-

De totale (prestaasje)subsydzje foar alle subsidiearre aktiviteiten (sjoch de boppesteande twa tabellen) komt hjirmei op € 1.630,-.

Wat binne jo ferplichtings?

Mei behâld fan de ferplichtings dy't út de Algemiene subsydzjeferoarderding provinsje Fryslân 2013 folgje, wurde by dizze fêststelling fan it subsydzje de neikommende ferplichtings oan jo oplein:

- Jo fiere jo aktiviteiten út sa't jo yn jo oanfraach oanjûn hawwe;
- As wy dat fan jo freegje, litte jo sjen dat de aktiviteiten dêr't jo subsydzje foar krigen hawwe, útfierd binne. Jo kinne dat dwaan troch it opstjoeren fan kopyen fan de faktueren en betelbewizen oangeande makke en betelle kosten fan alle subsidiearre aktiviteiten, it opstjoeren fan foto's fan de aktiviteiten kultueredukaasje en oanskaftes lesmaterialen en it tastjoeren fan it opstelde taalbeliedsplan;
- kosten fan de subsidiearre aktiviteiten sels te meitsjen en te beteljen;
- de kosten fan de oanskaf fan (digitale) lesboeken en fan de aktiviteiten kultueredukaasje op in dúdlike wize yn de administraasje fan de subsydzjeûntfanger wer te jaan, te ûnderskieden nei de ferskate, yn de beskikking ta subsydzjefêststelling ûnderskate subsidiabele kosten;
- de subsidiearre aktiviteit fan ymplemintaasje Frysk yn it taalbeliedsplan op de oanbelangjende skoalle út te fieren of útfiere te litten;
- It kin wêze dat jo de aktiviteiten dêr't dit subsydzje foar bedoeld is, net, net op 'e tiid of hielendal net útfiere kinne. Ek kin it wêze dat jo net mear oan de ferplichtings foldwaan kinne. Dat moatte jo altyd daliks oan ús trochjaan;
- Jo moatte alle stikken dy't mei dit subsydzje te krijen hawwe, op syn minst fiif jier bewarje;

- De aktiviteiten moatte binnen 18 moanne nei de ferstjoerdatum fan dit brief klear wêze.

Wy stelle it dêrneist op priis dat jo by it útfieren fan jo aktiviteiten oanjouwe dat de realisearje dêrfan (mei) mooglik makke is troch in finansjele bydrage fan de provinsje Fryslân. It net foldwaan oan de boppeneamde ferplichtings kin fan dy gefolgen wêze dat dizze subsidzjefêststelling ynlutsen wurdt of yn jo neidiel wizige wurdt op grûn fan kêst 4:49, earste lid, ûnderdiel c, fan de Algemene wet bestuursrecht.

Hoe wurdt it subsidzje útbetelle?

It fêststelde subsidzjebedrach is € 1.630,-. Wy stribje dernei dat wy binnen twa wike nei de ferstjoerdatum fan dit brief dat bedrach op jo rekken mei nûmer [redacted] op namme fan St. Meilan De Arke oerboekt hawwe. By de betelling fermelde wy it skaaimerke fan dit brief. As de neamde betelgegevens net (mear) doge, dan hearre wy dat graach fan jo.

Hokker wet- en regeljouwing is fan tapassing?

Op dit beslút binne de Algemene wet bestuursrecht, de Algemiene subsidzjeferoarderding provinsje Fryslân 2013 en de Subsidzjeregeling Frysk foar no en letter 2021-2024 fan tapassing. Mear ynformaasje dêroer fine jo fia www.fryslan.frl en wetten.overheid.nl.

Op dit beslút is ek de Beliedsregel foar it foarkommen fan misbrûk en ûneigentlik gebrûk by subsidzjes 2017 (M&O-belied) fan tapassing. Dat betsjut dat wy kontrolearje kinne oft jo de aktiviteiten útfierd hawwe en oan de ferplichtings foldien hawwe. Wy dogge dat troch it opfregjen fan ynformaasje en it ôflizzen fan tafersjochbesiten.

Hawwe jo noch fragen?

Nim by fragen kontakt op mei de provinsje Fryslân. Dat dogge jo troch te beljen nei (058) 292 5925. Jo kinne ek in e-mail nei subsidies@fryslan.frl stjoere of in brief nei: Provinsje Fryslân, ôfdieling Subsidzjes, Postbus 20120, 8900 HM Ljouwert. Wy wize jo der mei klam op dat jo alle korrespondinsje mei ús oangeande jo projekt fia it neamde e-mailadres en/of postadres fiere moatte.

By kontakt mei ús graach altyd it saaknûmer PF-2021/223881 neame, dat wy jo better helpe kinne.

Mei rju achting,

Út namme fan it kolleezje fan Deputearre Steaten,

[redacted signature block]

ôfdielingshaad Subsidzjes

[redacted signature block]

Beswier

Dejinge waans belang streekrjocht by dit beslút behelle is, kin tsjin dit beslút binnen seis (6) wike nei it ferstjoeren dêrfan in beswierskrift by Deputearre Steaten yntsjinje, Postbus 20120, 8900 HM yn Ljouwert.

Yn it beswierskrift moat op syn minst stean:

- a. de namme en it adres fan de yntsjinner;
- b. de deitekening;
- c. in omskriuwing fan it beslút dê't it beswier op rjochte is;
- d. de grûnen fan it beswier;
- e. de hantekening fan de yntsjinner.

Mear ynformaasje oer de beswierskrifteproseduere fine jo op www.fryslan.frl ûnder "contact", of jo kinne belje mei it sekretariaat fan de beswierskriftekommisje: tel. (058) 292 51 57.

Toelichting grondslagen

In dit document kunt u secties vinden die onleesbaar zijn gemaakt. Deze informatie is achterwege gelaten op basis van de Wet open overheid (Woo). De letter die hierbij is vermeld correspondeert met de bijbehorende grondslag in onderstaand overzicht.

J Art. 5.1 lid 2 sub e

Het belang van de openbaarmaking van deze informatie weegt niet op tegen het belang van de eerbiediging van de persoonlijke levenssfeer van betrokkenen

P Art. 5.1 lid 5

Het belang van de openbaarmaking van deze informatie weegt niet op tegen het belang van de onevenredige benadeling welke, in uitzonderlijke gevallen, wordt toegebracht aan een ander belang dan genoemd in art. 5.1 de leden 1 en 2, bij andere informatie dan milieu-informatie.